

Morning Dogri (NSD) National News Bulletin 11-05-2024

आकाशवाणी

1. लोकसभा चुनावें दे चौथे गेड़ लेई चुनावें प्रचार अज्ज खत्म होग। संगारें 10 राज्यें ते इक केन्द्र शासत प्रदेश दिएं 96 लोकसभा सीटें लेई मतदान होग।
2. प्रमुख रक्षा अध्यक्ष जनरल अनिल चौहान होरें फौज दे त्रौनें अंगें दे एकीकरण प्रक्रिया गी तेज करने पर जोर दित्ता तां जे फौज दी समर्थ च बाद्धा होए।
3. भारत नै फिलिस्तीन दे संयुक्त राष्ट्र दा पूरा पराता सदस्य बनने दे संयुक्त राष्ट्र दे प्रस्ताह दे मसौदे दे पक्ख च मतदान कीता।
4. दिल्ली च कल संजा धूड़-भरौची अंधी-झक्खड़ चलने कन्नै केइएं दिनें थमां पवा'रदी जबरदस्त गर्मी थमां राहत थहोई ऐ।
5. महिला कुश्ती च निशा दहिया पैरिस ओलंपिक्स च क्वालीफाई करने आली 5मीं भारतीय महिला खडारी बनी।

<><><><><><><>

4th Phase

लोकसभा चुनावें दे चौथे गेड़ दा प्रचार अज्ज संजा मुककी जाग। ओडिशा च विधानसभ चुनावें दे पैहले गेड़ ते आंध्रप्रदेश च इककै गेड़ दे असेंबली चुनावें आस्तै बी प्रचार अज्ज गै संपन्न होआ करदा ऐ। तेलंगाना च लोकसभा चुनावें लेई प्रचार अज्ज संजा खत्म होआ करदा ऐ सियासी पार्टिं दे गुजारश गी दिक्खदे होई राज्य दिएं 7 लोकसभा सीटें दे 119 विधानसभा हल्कें चा मते आस्तै मतदान दा समें इक घैंटा बघाई दित्ता गेआ ऐ। मुख् चुनावें अधिकारी होरें सब्बनें तैआरिं दे समीक्षा कीती ते शराब सनें होर दुआ समेयान मुफ्त बंडे जाने दी शैंका आले इलाकें च राती'लै मती सतर्कता बरतने ते चानचक्क निरीक्षण करने दे निर्देश दित्ते। चौथे गेड़ च 9 राज्यें ते 1 केन्द्र शासत प्रदेश दी 96 लोकसभा सीटें पर 13 मई गी वोट पाए जांगन। इस गेड़ च आंध्रप्रदेश दी 25, बिहार दी 5, झारखंड दी 4, मध्यप्रदेश दी 8, महाराष्ट्र दी 11, ओडिशा दी 4, तेलंगाना दी 17, उत्तर प्रदेश दिएं 13, पच्छिम बंगाल दी 8 ते केन्द्र शासत प्रदेश जम्मू कश्मीर दी इक सीट शामिल ऐ। बक्ख-बक्ख सियासी पार्टिं दे बड्डे नेता जनसभां ते रैलियां करे करदे न।

<><><><><><>

PM-Odisha

प्रधानमंत्री ते बीजेपी दे वरिष्ठ नेता नरेन्द्र मोदी होर अज्ज ओडिशा दे त्रऊं पार्लिमानी हल्कें कांधामल, तालानगिर ते वारगढ़ सीट लेई त्रऊं रैलिणं गी संबोधत करगंन। ओह् जंदी रातीं ओडिशा दे भुवनेश्वर पुज्जे हे। प्रधानमंत्री होर भुवनेश्वर च इक बड्डा रोड शा बी करगंन की जे इस म्हीने दी 16 तरीक थमां ओडिशा च लोकसभा ते विधानसभा चुनां चऊं गेडें च शुरू होआ'रदे नं प्रधानमंत्री मोदी हुंदे रोड शो लेई सुरक्षा दे पुख्ता बंदोबस्त करी लैते गेदे न।

<><><><><><>

INDI-ECI

बरोधी पाट्रिणं दे INDI गठबंधनद । इक डेलीगेशन कल भारती चुनां आयोग कन्ने मिलेआ। बैठक परैत कांग्रेस दे नेता अभिषेक मनु सिंघवी होरें आखेआ जे प्रधानमंत्री ते गृहमंत्री हुंदे खलाफ 1 ज्हार 500 शा मतियां शकैतां दर्ज कीतियां गेदियां न, पर इंदे पर कोई कारवाई नेई कीती गेई ऐ। सिंघवी होरें मतदाताएं दी प्रतिशत सरबंधी आंकड़े जारी करने च चिर पर बी ऐतराज जताया ते आखेआ जेगर आंकड़े बेल्ले सिर जारी कीते जान तां इंदे पर कोई शक्क-शूबा बी नेई होग।

<><><><><><>

Chintan Shivir

फौज दे त्रौनें अंगें दे एकीकरण लेई दऊं ध्याडेंद । दुआ परिवर्तन चिंतन सम्मेलन कल नमीं दिल्ली च संपन्न होई गेआ। प्रमुख रक्षा अध्यक्ष सीडीएस जनरल अनिल चौहान होरें इस सम्मेलन दी प्रधानता करदे होई इस एकीकरण प्रक्रिया गी तेज करने पर जोर दित्ता तां जे फौज दी समर्थ च बा0A होए। श्री चौहान होरें विश्वास जताया जे इस सम्मेलन कन्नै देसै दी इलाकाई अखंडता ते राष्ट्री संप्रभुता दे बेहतर तरीके कन्नै संरक्षण लेई बत्त पदरी होग। सम्मेलन च फौज दे त्रौनें अंगें दे मुख्यालयें सनें होरने वरिष्ठ अधिकारी बी मजूद हे।

<><><><><><>

Amit Shah

बीजेपी दे वरिष्ठ नेता ते केन्द्री गृहमंत्री अमित शाह होरें आखेआ ऐ जे पाकिस्तान दे नजैज कब्जे आले जम्मू कश्मीर दी जिमीं दा इक-इंक इंच हिस्सा भारत दा ऐ ते दुनिया दी कोई बी ताकत इसी खुस्सी नेई सकदी। कल झारखंड च इक चुनावी रैली गी संबोधत करदे होई उनें आखेआ जे जेहड़े लोक पाकिस्तानी कब्जे आले कश्मीर दा मोहोल पुट्टा करदे न, ओह शायद भुल्ली गेदे न जे इस बारे संसद च इक प्रस्ताह पास होई चुके दा ऐ जे पाकिस्तानी कब्जे आला जम्मू कश्मीर भारत दा हिस्सा ऐ ते कुसै होर दा एहदे पर कोई हक्क नेई ऐ।

<><><><><><>

Indian

भारत नै फिलिस्तीन दे संयुक्त राष्ट्र दा पूरा पराता सदस्य बनने दी कोशश दा समर्थन करने अपाले संयुक्त राष्ट्र महासभा दे प्रस्ताह दे मसोदे दे पक्ख च कल मतदान कीता। 193 सदस्ये आली महासभा दी कल आपात विशेष सत्र दी बैठक लग्गी जित्थे संयुक्त अरब अमिरात ने संयुक्त राष्ट्र च फिलिस्तीन दी पूरी-पराती सदस्यता दे हक्कै च अरब समूह दा प्रस्ताह पेश कीता। प्रस्ताह च आखेआ गेआ जे फिलिस्तीन काबल ऐ ते उसी संयुक्त राष्ट्र दे पूरे पराते सदस्य दे तौर पर शामिल कीता जाना लोडचदा ऐ। प्रस्ताह दे पक्ख च 143 वोट पे ते एहदे बरोध च शड़े 9 वोट पे। 25 सदस्य मतदान दरान गैर-हाजर हे।

<><><><><><>

Kejriwal

दिल्ली दे मुख्यमंत्री अरविंद केजरीवाल होरें आबाकारी नीति मामले च सर्वोच्च अदालत आस्सेआ अंतरिम जमानत थोने मगरा कल संजा तिहाड़ जेल थमां रिहा करी दित्ता गेआ। अदालत नै आम आदमी पार्टी दे प्रमुख होरें 7 गेड़ें दे लोकसभा चुनां दा मतदान समाप्त होने दे इक दिन मगरा 2 जून गी आत्म समर्पण करने लेई आखेआ ऐ। केजरीवाल होरें मजूदा लोकसभा चुनां दे प्रचार लेई जेलै थमां रिहाई दी मंग कीती ही। जमानत दे शर्ते मताबक केजरीवाल होर मुख्यमंत्री कार्यालय ते दिल्ली सचिवालय दा दौरा नेई करगंन। ओह आधिकारिक फाइलें पर बी उसलै तगर दस्तखत नेई करगंन जिसलै तगर उपराज्यपाल दी मंजूरी जां पही मंजूरी हासल करने लेई मता जरूरी नेई होवै। केजरीवाल होर मजूदा मामले

च अपनी भूमका बारे बी कोई टिप्पणी नेई करगंन ते कुसे बी गवाह कन्नै कोई गल्लबात नेई करगंन। मामले कन्नै जुड़ी दी कुसै बी अधिकारिक फाइल तगर उंदी पहुंच नेई होग।

<><><><><><><>

Prez.-NBEMS

राष्ट्रपति द्रौपदी मुर्मू होरें कुसै गंभीर बमारी दी इमरजंसी आली स्थिति दरान तुरत इलाज करियै जान बचाई सकने आले “गोल्डन ऑर” दे महत्व गी उजागर करदे होई आखेआ जे इस बेशकीमती समें दे महतव दी हर कुसै गी समझ होनी लोड़चदी। कल नमीं दिल्ली च मैडिकल साईंस च मतेयान लैने सरबंधी राष्ट्रीय बोर्ड एनबीईएमएस दे 22में दीक्षांत समारोह गी संबोधत करदे होई राष्ट्रपति होरें आखेआ जे माहिर डाक्टरें गी इमरजंसी आली स्थिति दे मरीजें गी लेइयै मता संजीदा ते फिक्रमंद रौहना लोड़चदा ते उसी कदें बी इलाज लेई दूई थाहर भेजने लेई नेई आखना लोड़चदा। “न्याय च चिर लगना मतलब इक साब्वै न्याय नेई थहोना” आले खोआन गी चेता नोआंदे होई द्रौपदी मुर्मू होरें आखेआ जे सेहत सेवा दे क्षेत्रें च समें दा महत्व होर बी मता होई जंदा ऐ कीजे इलाज च लगने आला चिर केई बारी जान लेई बी खतरा बनी सकदा ऐ।

<><><><><><><>

OMC

माली ब'रे 2023–24 लेई तेल कंपनिएं दा कुल मुनाफा 86 जहार करोड़ रुपें दा रेआ जेहड़ा पिछले माली ब'रे दे मकाबले 25 गुणा मता ऐ। पेट्रोलियम ते कुदरती गैस मंत्रालय दे मताबक हिंदोस्तान पेट्रोलियम कारपोरेशन लिमिटेड नै पिछले ब'रे दे 6 जहार 980 करोड़ रुपे दे नुकसान दे मकाबले इस ब'रे 16 जहार करोड़ रुपें शा मते दा रिकार्ड मुनाफा कीता गेआ। भारत पेट्रोलियम कारपोरेशन लिमिटेड गी पिछले माल ब'रे च कर दे बाद 26 जहार 673 करोड़ रुपे दा मुनाफा होआ ऐ जेहड़ा पिछले दे माली ब'रे थमां तकरीबन 13 गुणा मता ऐ। जिसलै के इंडियन ऑयल कारपोरेशन लिमिटेड नै बिक्री दी मात्रा ते मुनाफे कन्नै इस ब'रे बेहतरीन प्रदर्शन कीता ऐ मंत्रालय नै आखेआ जे माली ब'रे 2023–24 च तेल कंपनिएं दा कुल मुनाफा माली ब'रदे 2013–14 दे मकाबले 543 फीसद बधी गेआ ऐ।

<><><><><><><>

Delhi-IMD

केइएँ दिनें दी जबरदस्त गर्मी दे बाद कल चिरे संजा दिल्ली ते राश्ट्री राजधानी आले इलाके एनसीआर च धूड़-भरोचा अंधी-झक्खड़ चलेआ। शैहरा च 50 किलोमीटर पही घँअे दी रफतार कन्ने चली दी अंधी करी केई दरख्त डिगगी पे जिस करी ट्रैफिक च बी बिघ्न पेआ। खराब मौसम करी दऊं छुआरिएं गी जयपुर बक्खी भेजना पेईं गेआ। जारी सलाह च मौसम विभाग नै लोकें गी आखेआ ऐ जे ओह घरे अंदर रौहने ते गैर जरूरी यात्रा नेईं करने लेईं आखेआ ऐ। दिल्ली च इस हफते बद्धोबद्ध तापमान 42 डिग्री सैल्सियस रिकार्ड कीता गेआ हा। मौसम विभाग नै औंदे कल गरज-चमक कन्नै बरखा बरने दी संभावना जताई ऐ ते बद्धोबद्ध तापमान 29 डिग्री तगर रौहने दी बी मेद ऐ। तोआई जम्मू दे बी केई इलाके च कल हौली बरखा करी लोकें गी गर्मी शा बिंद राहत थोइ ऐ। मौसम विभाग नै जम्मू च अज्ज ते कल बी मौसम बदलेखड़ा बने दा रौहने ते किश थाहरे पर बरखा बरने दी भविक्खवाणी कीती दी ऐ।

<><><><><><>

Olympic

महिला कुश्ती च निशा दहिया पैरिस ओलंपिक्स लेई कवालीफाई करने आली 5मीं भारतीय महिला खडारी बनी गई न। उनें कल इस्तानबुल च विश्व ओलंपिक कवालीफायरस दे सैमीफाइनल च 68 किलोग्राम वर्ग च रोमानिया दी एलैक्जेंडरा एंघेल गी हराई दित्ता। निशा जेह्दी पिछले बरे दी एशियाई प्रतियोगिता च रजत पदक विजेता रेही हियां, उनें एंघेल गी 8-4 अंके कन्नै हराया।

<><><><><><>

IPL

आईपीएल क्रिकेट च जंदी रातीं गुजरात टायटंस नै चेन्नई सुपर किंग्स गी 35एं रंजें कन्नै हराई दित्ता। 232 रंजें दा लक्ष्य दा पिच्छा करदे होई चेन्नई सुपर किंग्स तैह 20एं ओवरें च 8 विकेटें दे नुकसान पर 196 रंज गै बनाई सकी। पैहले बल्लेबाजी करदे होई गुजरात टायटंस नै 20एं ओवरें पर 231 रंज बनाए हे। गुजरात लेई कप्तान शुभमन गिल नै 55 गेंदें च 104 रंज जिसलै के साई सुदर्शन नै 51 गेंदें च 108 रंज बनाए। चेन्नई लेई डेयरल मिचल नै सब्बने थमां मते 63 रंज जिसलै के गुजरात लेई मोहित शर्मा नै 3 विकेटां हासल कीतियां ते कप्तान शुभमन गिल गी प्लेयर ऑफ द मैच रेह। तोआई अज्ज कोलकाता दे

ईडन गार्डन च कोलकाता नाईट राईडर्स दा मकाबला मुंबई इंडियन्स कन्नै होग, मैच संजा साढे 7 बजे शुरू होग।

<><><><><><>

Read: Vijay Bajaj

Stand By: Abhilasha Sharma

Editor : Manoj Kumar

D.E.O. : Mukesh Gupta

Skilled : Rajat Paul

Morning Dogri (NSD) National News Bulletin 08-04-2024

आकाशवाणी

खबरां प्रोमिला जम्वाल कोला ।

6. बक्ख-बक्ख सियासी पार्टिं दे बड्डे लीडरें लोकसभा चुनां प्रचार लेई रैलिं ते रोड शो आयोजित करा'रदे न ।
7. भारती जनता पार्टी दे वरिष्ठ लीडर ते प्रधानमंत्री नरेन्द्र मोदी बीजेपी दे मेदवारें दे समर्थन च अज्ज संजा महाराष्ट्र दे चन्द्रपुर जांगन ।
8. लोकसभा चुनां दे दुए गेड़ लेई नामांकन भरने दा अज्ज खीरी ध्याड़ा ऐ ।

9. सेना दे त्रौनें अंगें दा इक रोजा कांफ्रेंस “परिवर्तन चिंतन” अज्ज आयोजित कीती जा’रदी ऐ।
10. भारती मौसम विभाग नै औंदे चऊं दिनें दरान पूर्वी मध्य ते प्रासद्विवीय भारत च होली थमां मध्यम दर्जे दी बरखा पौने दी पेशनगोई कीती ऐ।

<><><><><><><>

Campaign

बक्ख-बक्ख सियासी पार्टिएं दे बड्डे लीडर मुल्खें दे केइएं हिस्सें च लोकसभा चुनाएं च अपने अपने मेदवारें दे हक्कै च समर्थन करने लेई रैलियां करा’रदे न। भारती जनता पार्टी दे वरिष्ठ लीडर ते प्रधानमंत्री नरेन्द्र मोदी होरें कल पच्छम बंगाल दे जलपाईगुड़ी दे धुपगुरी ब्लाक दी झुमुर थाहर इक सार्वजनिक मीटिंग लाई। रैली गी संबोधत करदे होई श्री मोदी होरें आक्खेआ जे ओ 2047 ब’रे तककर मुल्खै गी विकसित करने लेई हफते दे 7एं दिन 24 घैंटे कम्म करा’रदे न। उनें आक्खेआ विकसित भारत दे सुखने गी सच्च करने लेई हुंदे जीवन दा हर इक पल मुल्खै दे नमित समर्पित ऐ। उनें आक्खेआ जे औंदे लोकसभा चुनाएं मगरा केन्द्र च इक सशक्त ते स्थायी सरकार औग। श्री मोदी होरें आक्खेआ जे केन्द्र च जिन्नी सशक्त सरकार होग, उन्ना गै तगड़ा दुनिया दा भारत पर विश्वास होग। एहदे आक्खेआ होई जे भारत हून आतंक-मुक्त होई गोदा ऐ। प्रधानमंत्री मोदी होरें आक्खेआ जे दफा 370 गी खत्म करना, आतंकवाद-मुक्त कश्मीर दी तस्दीक करदा ऐ जेहड़ा भारत लेई इक गौ ऐ। उनें आक्खेआ बीजेपी दी अगुवाई आले एनडीए सरकार दिएं नीतिएं गरीब आदमी दी जीन गी सखल्ला बनाया ऐ। उनें हुकमरान तृणमूल कांग्रेस सरकार पर दोष लाया जे ओह राज्य च केन्द्र आस्सेआ शुरू कीती गेदिएं लोक-कलयाण स्कीमें दी अमलावरी च रोढ़े अड़का’रदी ऐ। श्री मोदी होरें आक्खेआ जे INDIA ब्लाक कश मुल्खै गी अगें लेइ जाने लेई कोई सोच नेई ऐ। दुए पास्सै तृणमूल कांग्रेस दिएं अध्यक्ष ते पच्छम बंगाल दिएं मुखमंत्री ममता बेनर्जी होरें पुरुलीया लोकसभा हल्के थमां चुनां मैदान च खड़ोते दे पार्टी मेदवार शांति राम आहतो हुंदे हक्कै च चुनां प्रचार कीता। उनें आक्खेआ जे तृणमूल कांग्रेस राज्य दे विकास प्रति समर्पित ऐ। बीजेपी पर आरोप लांदे होई उनें दोष लाया जे नागरिकता संशोधन कनून तैहत लोकें गी उंदे घरें च कड्डेआ जाना ऐ। कल संजाप्रधानमंत्री मोदी होरें जबलपुर मध्यप्रदेश च इक रोड शो बी कीता।

<><><><><><><>

Congress WB

कांग्रेस नै कल लोकसभा चुनां आस्तै त्रै मेदवारें दी सूचि जारी कीती। पार्टी नै पच्छम बंगाल च बनगांव थमां प्रदीप बिस्वास, उलूबेरिया थमां अजहर मल्लिक ते घाटाल थमां डॉ. पापिया चक्रवर्ती होरें गी मेदवार बनाया गोआ ऐ। भगवानशोला विधानसभा क्षेत्र दे उप-चुनां च अंजू बेगम कांग्रेस दी मेदवार होंगन।

<><><><><><>

ECI-Suvidha

निर्वाचन आयोग नै आखेआ ऐ जे लोकसभा चुनाएं दी घोषणा दे बाद शड़े 20एं दिनें दे अंदर गै सुविधा पोर्टल पर 73 जहार कोला मते दरखास्तां आइयां न। सुविधा पोर्टल दी मदद कन्नै चुनांS प्रचार अवधि दे महत्व गी दिक्खदे होई रैलियां आयोजित करने, आरजी तौरा पर पार्टी दफतर खोलने, घर-घर जाइए प्रचार करने, वैन, हैलीकाप्टर ते गड्डी वगैरा लेई परमिट हासिल करने ते प्रचार सामग्री बंडुने दी परमिशन लैती जाई सकदी ऐ। निर्वाचन आयोग नै दस्सेआ ऐ जे हासल अर्जिएं चा 44 जहार 600 कोला मतिएं गी मंजूरी थहोई गेदी ऐ। पार्टीएं ते मेदवारें लेई इक बरोबर रूप कन्नै सुविधा यकीनी बनाई जा'रदी ऐ। आयोग नै आखेआ ऐ जे सुविधा पोर्टल चुनांS प्रबंधन च पारदर्शिता गी बढ़ावा दिंदा ऐ। सुविधा पोर्टल चुनांS आयोग आस्सेआ तैयार कीती गेदी इक टेकनालजी आली पैहल ऐ जेड़ी सुतंत्र, निर्पक्ख ते पारदर्शी चुनांS दे लोकतांत्रिक सिद्धांतें मुजब सुविधा उपलब्ध करांदी ऐ।

<><><><><><>

ECI

चुनां आयोग नै औंदे लोकसभा चुनाएं च युवा ते शैहरी मतदाताएं दी हिस्सेदारी बधाने आस्तै सोशल मीडिया पर केई पैहले ते अभियानें दी शुरूआत कीती ऐ। आयोग मतदाताएं तगर अपना सनेहा पजाने आस्तै टर्निंग -18 ते You are the one अभियान राएं आर्कश विशे लोकप्रिय आइकन ते सरबंधी सामग्री दा इस्तेमाल करा'रदा ऐ तां जे औंदे चुनाएं च युवा ते शैहरी मतदाताएं दी गिनतरी च बाद्धा कीता जाई सकै।

<><><><><><>

CDS-Conference

सेना दे त्रौनें अंगे दा इक रोजा सांझा सम्मेलन संगारें नमीं दिल्ली च लग्गोग। परिवर्तन चिंतन नां दे इस सम्मेलन दा मकसद नमें विचारें, नमिएं पैहलें ते सुधारें पर जोर देना ऐ, तां जे फौज दे त्रौनें सीगें बश्कार नेड़मा ते बेहतर तालमेल बघाया जाई सकै। सम्मेलन दी अध्यक्षता रक्षा प्रमुख सी.डी.एस. जनरल अनिल चौहान होर कर³न। एह फौज दे त्रौनें अंगे दे प्रमुखें, सैन्य कार्य विभाग ते इंटीग्रेटेड डिफेंस स्टाफ दे मुख्यालयें दा पैहला सांझा सम्मेलन होग। सम्मेलन च सेनाएं दे बक्ख-बक्ख स्तरें दे अफसर अपने तजुर्बे सांझ कर³न ते एकीकृत बवस्था गी कार्यरूप देने बारे अपने-अपने सुझा ते विचार रक्ख³न। रक्षा मंत्रालय नै दस्सेआ ऐ जे भारती सशस्त्र बल भविक्ख दे युद्धें लेई अपने आपै गी तैयार करा करदे न, इसी दिक्खदे होई संयुक्त अभियान लेई सेना दे त्रौनें अंगे बश्कार तालमेल गी मजबूत करने लेई केई पैहलकदमियां कीतियां जा'रदियां न।

<><><><><><>

Bihar-VP

उपराष्ट्रपति जगदीप धनखड़ होरें युवा पेशेवरें थमां 2047 तगर विकसित भारत बनाने दे जतनें पर सहभागी बनने दी अपील कीती ऐ। बिहार दे बोधगया च भारतीय प्रबंधन संस्थान दे 6में दीक्षांत समारोह च उनें आक्खेआ जे अज्ज दे विद्यार्थी ते युवा गै भारत दा भविक्ख न। धनखड़ होरें उविद्यार्थिएं थमां अपील कीती जे ओह भारत दी विकास गाथा च नमां घ्या लिखने आस्तै अपने कौशल ते प्रतिभा दा इस्तेमाल करन। एहदे थमां पैहले उपराष्ट्रपति होरें दीक्षांत समारोह च एमबीए दे विद्यार्थिएं गी डिग्री प्रदान कीती। इस मौके पर बिहार दे राज्यपाल राजेन्द्र विश्वनाथ भारतीय प्रबंधन संस्थान बोधगया दे अध्यक्ष ते निदेशक बी मजुद हे। उपराष्ट्रपति होरें बोधगया च मशहूर महाबोधि मंदर च पूजा अर्चना बी कीती।

<><><><><><>

IMD

मौसम विभाग नै मुलख दे पूर्वी, मध्य ते प्रायद्वितीय क्षेत्रें च अगले 4 दिन तगर तेज हवा ते ऐन गड़ा पौने दे कन्ने हल्की थमां दरमेयाने दर्जे दी बरखा पौने दा अनुमान जाहर कीता ऐ।

मध्यप्रदेश, छत्तीसगढ़, मराठवाड़ा, विदर्भ, झारखंड, पच्छिम बंगाल दे गांगेय क्षेत्र ओडिशा ते महाराष्ट्र च इस म्हीने दी 11 तरीक तगर गरज चमक कन्नै बरखा पेई सकदी ऐ। इस दरान 50 किलोमीटर प्रति घेंटे दी रफतार कन्नै हवा चलने दी सीावना ऐ। ओडिशा, मध्यप्रदेश, विदर्भ, छत्तीसगढ़ मे मराठवाड़ दी किश थाहरें अज्ज ते कल ऐन—गड़ा पेई सकदा ऐ। राष्ट्रीय राजधानी दिल्ली च मौसम अज्ज साफ रौहग ते तेज हवा चली सकदी ऐ। बद्धोबद्ध तापमान 36 डिग्री सैल्सियस दे कोल काल रौहने दी मेद ऐ।

<><><><><><>